

實用

投

考

問

答

1933

毅社印行

版三十月二年廿國民

究必印翻

編者：

郭磊 萬錦萍
劉熙 周文端

定價：

小洋八角

出版：

毅社印行

編輯大意

一本書專供投考大學以及自修之用。全書一冊。

一本書編輯之目的。在便於(甲)投考大學者預備時免東翻西閱之苦。

(乙)自修者有無師自通之益。

一本書爲便於閱者易於記憶起見。特採問答體。

一本書材料均從各名著中選述。無不細加精審。撮其要而繫其綱。文字則格外求其簡當。而尤注重常識方面。

一本書參校不免有缺漏舛訛之處。敬希海內賢達。時加指摘。以便書社得以改正。

編者識

中國歷史常識問答

郭 磊校閱

吾人對於本國歷史應取何種態度

一國之人民 有一國之特性。其歷史亦各有不同。吾國立國最久。故歷史亦特別長大。惟以特別長大 則覆轍殷鑒。在在有保留之必要。故吾人對於本國歷史應繼續保存而發揮之。庶乎遠東病夫。可以大放光彩於世界也。

試述太古生活進步之次序及國家之由來

太古之民。汚樽杯飲。穴居野處。不事火食。燧人氏出。取火於木。乃有熟食。而後伏羲作網罟以教佃漁。養犧牲以充庖廚。遂由漁獵時代進爲畜牧時代。神農教稼穡。更進而爲農業時代。又因婚嫁之禮。而有家庭。外侮之來。合爲會部。而國家於是乎興矣。

漢族文化之發展源於何處

漢族文化之發展。發源於黃河流域。古代之名城大都。均在黃河沿岸。是其鐵證。故黃河直

可謂之爲中國文明水也。

漢族之前中原尙有何族

漢族之前，中原本爲苗族所有。漢族由帕米爾來徙，遂逐之而取其地。由黃河而追至長江，再由長江追入南方諸谷中。今時西南山中，尙不少苗人之蹤跡也。

苗族既爲中原土種，何以反不與於五族共和

苗族自退處西南之後，文化依然如故。且人數寥寥，與漢族實行同化，而穴居生食，陋習不除。此其所以落於人後而不爲共和所齒者也。

世稱女媧鍊石補天其說然歟

女媧鍊石補天，本無其事。但以當時共工氏作亂，綱紀蕩然。女媧乃起而整理之。民乃得安。遂謂其功之大。有如補天。世人不察，倡爲神怪之說。不亦過乎。

試述我國國名之沿革

外人稱我國名曰支那。曰震旦。非國名也。我國自稱曰中。曰華。曰夏。中乃對外而言。華

乃種名。夏乃朝名。實非國名。其後各朝多以朝名代國。唐人。漢人。清國皆其例也。自民國革新。始定名曰中華民國。

歷史之派別若何

史學之派別厥有二。一曰普通史。一曰專門史。普通史中分世界史國別史。專門史中如文學史。宗教史。經濟史。風俗史。教育史等。要之，凡事有關於人生而可保留者。分門別類。莫不有史焉。

通古斯族之見於後代者何名

上古之肅慎。秦漢間之東胡。晉之鮮卑。南北朝之柔然。隋唐間之韃靼。及後代遼金滿清。皆屬此族焉。

秦漢間之匈奴究屬現今何種

秦漢間之匈奴。遠處塞外。以游牧爲生。根據地理。約在於今之內外蒙古。故可斷言其爲蒙古族。

試述黃帝時之疆域

漢族之東遷也。原以黃河爲根據。迄黃帝出乃大啟爾宇。拓土開疆。敗蚩尤於涿鹿。會諸侯於會稽。斯時疆域東至海。南至江。西至崦嵫。北至斧山。疆域及國土。於是大定。

畧述黃帝之勞績

帝之勞績。約可分爲三大類，一衣裳宮室。一帝造玄衣黃裳。廣宮室之制。作合宮²，貨幣。神農雖設市廛。然日中爲市。物物交換。諸多不使。黃帝用五金作貨幣。卽金刀錢布帛。而懋遷有無者。待以大便焉。蠶桑。帝之元妃嫫祖。教民養蠶治絲。用以製衣。嫫祖之功。可謂大矣。其他如作舟車。造弓矢。及指南針，文字等。紀時記事。實肇於此。中國文化萌芽於斯。是則黃帝之功。正不可勝數也。

黃帝開國之主義若何

黃帝之開國也。採用軍國民主義。其與炎帝之戰於阪泉而得中國。與蚩尤戰於涿鹿而逐外族。卽其實行之證據也。

神農之功績若何

神農之功績。雖不若黃帝。然其爲吾等先驅之功。實未可埋沒。茲別述之。○1, 神農造耒耜。栽種五穀。民人從漁獵社會進爲農業社會。○日常生活。更加發達。其功一也。○2, 設市廛。使人日中爲市。商業因之進步。其功二也。○3, 嘗百草作方書。以醫藥治人疾病。其功三也。

神農黃帝堯舜禹各都何處

神農都曲阜。黃帝都涿鹿。堯都平陽。舜都蒲坂。禹都安邑。

史官設自何人

黃帝平定天下。乃設六相及史官。以求發展文化。故史官之設。實自黃帝始。

畧述我國政體之沿革

黃帝之前。爲酋長制。無政治之可言。黃帝以後。乃一變爲君主專制。堯舜之世。則爲禪讓。夏啓之後。迨至滿清。皆爲專制。民國乃更變而爲共和焉。

封建之制自誰始

黃帝蠶野分并。得百里之地萬國。封建之制自茲始。

唐虞之揖讓果爲何種政體

堯舜之世。天下大治。選舉能賢。不以天下自私。互相推讓。故此種政體。實以君主專制而兼用選舉樞矣。

試述舜之功績

舜之功績本不可勝言。茲舉其大者。1. 誅四凶。2. 命禹治洪水而平天下。3. 用賢選能。施五教。立九官。且時加巡狩。以致死於蒼梧之野。是其用心爲國。誠不可以言語形容也。

試述洪水之利害

洪水之時，中原皆獸蹄鳥跡。人民不得安居。其爲害也至矣。然究之洪水之爲害固不少。而其爲利亦甚多。當夫洪水未橫流以先。社會老死不相往來。迄夫水平。貢道大通。交通日便。懋遷有無化居。實爲文明互換之先聲。洪水之有功於尙古大矣。

禹貢上之九州何名

禹貢九州卽冀，兗，青，徐，揚，荊，豫，梁，雍是。

試述禹之功德

禹嗣鯀之業，勞身焦思，十三年於外，三過其門而不入。卒導西北諸水使匯於江河而注於海。○洪水乃平。○其功一也。○定九州。鑄九鼎。禹貢一書。○詳論貢稅。○使成定法。○其功二也。○其他如惡旨酒。○惜分陰。○懸鐘納諫。○下車泣囚。○其德與天地參耳。○胡可勝言哉。○

舜時九官之官職若何。有何特點。

司空掌土木。○后稷掌農事。○司徒掌教育。○士掌司法。○共工掌工。○虞掌山澤。○秩宗掌典禮。○典樂掌樂。○納言掌言路。○此九官官職之大畧也。○至其特點。○則皆爲民事而設者也。○

禹治洪水之方法若何

禹之治洪水也。○以導水爲主。○蓋導之則不必與水而易平。○甚矣哉爲事之不可不得法也。○

舜禹二代之教育若何

舜時大學爲上庠。○小學爲下庠。○上庠設以教貴族。○下庠設以教平民。○其主旨。○五倫而已。○夏

時大學爲東序 小學爲西序。名雖不同。實則與舜時無以異也。是則二代之人才輩出。不其宜乎。

夏時是否中央集權。並說明其理由

夏時係中央集權。觀夫涂山之會。執玉帛者萬國。防風後至。竟新以徇。若非中央集權。天子安得如此。故夏時之爲中央集權。可斷言也。

夏禹傳子賢乎

禹之傳子。實非本意。初禹欲讓天下於伯益。奈人民不願。乃立啟。是則啟之立。非出自禹計。乃人之謀。事成於人。禹之賢否。自不必究矣。

少康中興之原因

少康以田成。以衆一旅。而王天下。究其原因。不外二端。1. 少康之德能服人。2. 因人民受大禹之德。不欲餒其鬼。乃報之於其子孫。是二者卽少康中興之主因也。

貴族革命自誰始

夏桀無道。商湯伐之。放之南巢。代有其國。是爲貴族革命之始。

時交通之器具若何

時交通之具。如陸行用車。水行用舟。泥行用輶。山行用櫟。當時之交通器具。亦粗稱便利矣。

仲虺作誥其用意若何

湯以征誅取天下。卽位之後。頗有漸德。恐後世以爲口實。其臣仲虺乃作誥以示於民。以洗湯惡。是其作誥之用意。

伊尹何以爲任聖

夏桀之世。民有與日偕亡之歎。伊尹出。乃以覺民救世爲己任。相湯伐夏救民。故人稱之爲任聖焉。

試述商代遷都之大畧

成湯之後。迄於仲丁。河患時作。乃遷於囂。河宣甲之世。又因囂地河決。遂遷於相。祖乙

又遷於耿。復遷於邢。盤庚又遷於般。數百年之間。自亳自般。六遷其都。當時水患。可謂極矣。

商代水災特盛何故

自夏禹之後。水利失修。溝洫殘敗。水患隨之四起。當時之治水者。多不得其法。故雖都邑數遷。終無可如之何也。

畧述商代賢君賢相之名

太甲。太戊。祖乙。盤庚。武丁等。此皆商代賢君也。賢相則有伊尹。甘盤。傳說。巫咸。伊陟等人。孟子所謂「賢聖之君六七作」。非虛語也。

三代田賦之制若何

夏以一夫授田五十畝。取其什一以爲貢。殷以一夫授田七十畝。始用井田制。將六百三十畝分爲九區。中七十畝爲公田。借八家之力以耕之。而不稅其私田。周則一夫百畝。用助法。始以八家同耕。通力而作。計畝而收。謂之徹。故孟子曰夏后氏五十而貢。殷人七十而助。

一人百畝而徹。其實皆什一也。

封建之制始於何代備於何時

黃帝畫野分井，得百里之地萬國。是爲封建之始。其後周武王。大封同姓及前代之後。而封建乃大備。

六書造於何人前此用何物以紀事

六書中之最簡者。如象形指事等類。造自倉頡。其前之紀事則結繩焉。

三代學制何者爲優

三代學制以周代者爲優。蓋夏商除大小學外。別無校所。周代則有州序，黨庠，閭序。諸侯之國亦有大小學。故當時之學校。星羅棋布。較之夏商二代。直有天壤之別焉。

西周末之民氣若何

西周之末民氣特盛。厲王之流於鉞。乃其發軔之始。所以然者。1. 周初教育發達。民智益高。2. 厲王迫逼過甚。羣起反抗。觀於載舟覆舟之論調。更可見其一般矣。

中央集權自誰始備於何時

虞舜定巡狩之制。是爲中央集權之始。至其大備。乃在周公。周公分王畿之內爲屬。爲運。爲卒。爲州。爲伯。各率其屬而隸於周。召二公。中央集權於是益固。一旦有事。其作用有如手使臂。臂使指。迅速異常。惜乎。其不久即廢也。

周代政教較之夏商若何

周公作禮樂。興學校。有周官三百六十各司其事。故人民皆郁郁平文。周代政教較之夏商更加完善。周公誠不愧爲大政治家哉。

成康之世何以能刑措

成康承周公制禮作樂之後。天下無事。衣食足而禮義生。且有禮樂以陶冶之。教育以促成之。宜夫囚獄空虛而刑措矣。

何謂三恪二王之後

周克殷之諸侯。既煩之以爵祿。復富之以大賚。於是封黃帝後於蓀。堯後於祝。舜後於陳。

是爲三恪之後。又封禹後於杞。紂子武庚於殷。是爲二王之後。斯卽三恪二王之後也。

東都之營其用意若何

周之營東都也。其用師有二。1. 洛居天下之中。使各方入貢。道里平均。無遠近之參差。2. 當時殷頑時有不靖。乃遷之於此。使其化除惡念於禮樂文化之中。此東都經營之目的。

西周對於外族之態度及其影響若何？

西周之勢。漢族以上國自居。對於外族。以狄夷目之。似影響乃至昭王死於荊蠻之野。穆王有徐戎犬戎之叛。宣王有玁狁西戎之憂。而幽王卒死於犬戎之手。西周之亡未非由漠視外族之故也。

周室東遷王綱何以解紐

周平王之東遷也。置父仇而不報。畏犬戎而遷都。諸侯知天子之不武且無恥。故鄭伯有取周之禾。割周之麥之舉。其後諸侯乃因而從之。王室無力禁服。而春秋之局乃成。

周召共和與現代之共和同否

周召之共和也。乃以主幼國家多難之故。行周召二人之共和。故可謂之貴族共和。既爲貴族共和。自不同於現代矣。

春秋之時期若何

春秋乃以孔子所修魯史而得名。其時期自平王始迄敬王止。凡二百四十二年。

春秋時之公法若何

春秋時之公法也。可以假重仁義四字約之。博之。則爲大字山。小事大。聘問及戰爭皆有公約。不守者大國討之。小國叛之。此其大畧也。

齊桓晉文之功業若何

五霸之中。以齊桓晉文爲最。桓公之功。卽九合諸侯。一匡天下。召陵之役大震王威。晉文以備嘗辛苦之人。歸國卽位。平太叔之亂。敗強楚之師。城濮踐土。盟會較齊桓猶盛。又西制秦。東勤王。其功正不亞於小白。要之。二公之功不外尊周攘夷而已。

五霸之姓名若何